



CBC, Tamaaniigutilik Kanatamut 2025-2030 Parnasimatsiariarut

Nainaaqsimajuq parnasimatsiariarut

CBC/Naalautinga-Kanatami kikkulimaanuungajunit tusaumatitsijiuvut: turaagarijavut tusaumatitsigumalluta, qaumariaqtitsigumalluta ammalu quviasuttitsijumalluta atuni ammalu iluunnainik, Kanatalimaami. Tamaaniippugut ilitsinnut, manimmilluta pijariakittuullutit qaujijagunnaqtunik, atuinnautitaujunik, atuutiqaqtunik, ammalu isumataarutigigunnaqtarnik. Angiqsimatsiaqtugut tunisiqattarumalluta nalunaiqtausimajunik ammalu sulijunik tusaratsanik tammaqsimanngittunik, ilainnaanngilluta, suliniqatsiaqtunik ammalu immikkuungajunik; ilautitsiniq ammalu qaummaqpallinaqtut quviasugiaqtitsiniq saqqijaaqtitsigiarnirlu nunalinni sanaugarnik; ammalu aivaqatigiittitsilluta pimmaruijunik ikajuqsivaallirutauniaqtunik tukisitsiarniqsauqullugit nunarjuattinni ammalu sivunitsaliuqatigiilluta. Taimaiqattaqtugut piliriqatigaqtuta Allanit, Inunnit ammalu Allangajunit; tusaratsaqaqtitsilluta saqqijaaqtitsijunit Nunaqaqqaqsimajuit iliqqusinginnit ammalu Nunaqaqqaqsimajuit uqausinginnit Kanatami. Pitutsimatitsivugut kasuqtirilluta ilitarijausimajumik uqausiqaqtunik qatsiinnauniqsajunut nunalinnut sijjalimaatsiattinni. Ilitaqsivugut kamagijatsaqarnittinnik ikajuqtuiluta makititsigiarnutanu Kanatami tusaratsalirijinik, tusaratsalirijinik ammalu sanajunnarnirmik avatiujut ammalu ikajurlugit piruqpalliaqullugit piliriqatigiinnikkut katujjiqatigiinnikkullu.

Tamaaniippugut atuni iluunnainullu

Turaagarijavut kasuqatigarumalluta inulimaanik nunaqaqtunik tamaani nunalirjuarmi, pijaaqqutigillugu tikiutinasuarniq taikkununga qaujimanngisungaqtunut uvattinnik sulii uvvaluunniit taikkununga pijittiraqtaunngiluaqturijunut. Angiqsimatsiaqtugut naalatsiarumalluta pijumajanginnik, sanaluta tusaratsanik manimmilutani uummatinit isumanillu attuiniqaqtunik, ammalu tamakkua tusaratsait atuinnauqullugit nanituinnaq tusaratsaniaqattaraluaqpata, sanaqulluta naulimaarnut pijitsirutiit ilautitsiniqsaulirlutit ammalu makimainnarunnarlutit. Aaqqigiaqullugit pijitsirautivut ammalu atuutiqatsiaqullugit kinguvaatsattinnut, saanngaviqakniqsauniaqtugut pingasuuliqqangajunit inuuqatigiittunut tusaratsaqaqtitsinirmi:

- Nutaqqanut inuusuttunullu: Qaujimavugut tamakkua ukiuqatigiittutsajait qaritaujatiguuqqaarmata qimirrunanniqsauvattutillu qaritaujakkut pitutsimaviujunit. Ajuinnautigigialivut tasarattaqaqtigiarlugit, ijagijatsaugiarluta tamakkununga sapumimmilugillu Kanatami pisimajunik nanisijunnaniqsaukullugit, sanaluta atainnarunnaqtumik piliriqatigiinnirmik ukiukittuuninginni piruqpalliatillugillu.
- Tikippallialisaqtut: Kanata asijjipalliatuinnarmat kanataup silataanit pisimajuni tikippalliajunut ammalu kanatalimaami iliqqusiqaqtigiinngituutiutillugit, angiqsimatsiaqtugut aaqqigiarinirmik manimminiqsauqulluta pijitsiniqsauqullutalu taakkununga ajjigiinngittunik nunalikaqtunik. Atuni tikippallialisaqtut angirraqsimajuujaaquvavut, tusaumatitaulutik, quviasuttitaulutillu tusaratsaqaqtunik malittunik inuusillaringinnit pijumajanginnillu. Taikani atuutiqaruni, ikajurniaqtugut katitauninginnut tikippalliajut uqausinut ilitarijausimajunut qatsiinnauniqsani nunalijuunut, atuutiqarniqsaulaqlirluta.
- Tusaratsaniaqtiunngittut uvvaluunniit naammagijaqaqsimanngittut: Tamanna ajuinnautigigiaqarnipaavut, piluaqtumi upirijaqarninginnut pijitsiqtauluaqattaqsimannginirmi puiguqtausimajurininginnulu. Tamanna ajuinnautigigialivut pivitsaqarnijuq ilautitsigiarnikkut uqaqatigiittitsinirmima atuutillarittanginnit tusarvigilugit. manimmivigilugillu tusaratsanit tusaumatitsijunit quviasuttitsijunillu tamakkunga.

Pingasuit Naparutiit Kaillutuigutigijavut Piliriattinnik

Taanna 2025-2030 timimiujuup parnasimatsiararutinga naparutiqaqtuq pingasunik, qaujimagiatsiaqulluta tamaaniitsiaraluarmangaatta ilinnut, namiikkaluaruvit:

Qanigijaqarniq

Angiqsimatsiaqtugut sanngiliqpaalliqitsijumalluta nunalinni avittuqsimajunilu najuutiniqsauluta, qanillivaalliqulluta inunnut pijitsiqtatinnut, piluaqtumik taikkua ilitarijausimajumi uqausiqaqtut qatsiinnauniqsauullutit ammalu Nunaqaqqaaqsimajut. Tamanna tukiqaqtuq namiinninginnik najuutiluta ammalu kinauninginnik takutisautitsuluta: uqausiqarluta unikkaarnit ajjiungittunik suliniqatsiarlutit, amisunnguriaqtillugit tusaratsanit sanajiujut, ammalu kiugutigigiaqpallugitpimmariullarittut nunalinnut.

Qaritaujakkut sukkaliniq

Sukkajumik pivallianiqaqtillugu qarasaujaliriutiit, asijjiqpalliavugut pijitsirautivut qaujiauniqsauqullugit atuutiqarniqsauqullugillu, manimmilluta tusaratsanit niruaqtasinnik tusaratsaniarvigigumajatsinni. Kamattiarluta tukisigiarutitsanik aturluta, qaujimanisauiaqtugut ilitsi pijumajanginnik, piusigiaqtitsiluta atuinnauninginnik ammalu atuqtaujunnarninginnik pijitsirautivut. Turaagarijavut tukisiumatsiarniqsauqulluta ammalu ilautitsiniqsauqulluta pijitsiraqtautsiangittunik, piqasiutillugit inuusuttut ammalu tikippallialisaaqtut, pijitsirarnikkut naniinninginnik qaritaujakkut.

Inunnik Katititsiniq

Angiqsimatsiaqtugut kasuumatitsinirmik nunalilimaanik, kinguvaariinik ammalu nakingaaqsimanittinnik, ammalu saqqitsinirmik initsanik uqaqatigiigutaugunnaqtunik ammalu tukisiumaqatigiigutaugunnaqtunik quviasuutiqaqtunik piujummariuninginnik iliqqusivut ammalu sanngiliqpaalliqitsiluta niruarunnarnirmik. Parnasimatsiararutitigut katujjiqatigiinnikkut ammalu ajjigiinngittutigut tusaratsaqaqtitsinikkut, ikajurniaqtugut saalaqariarutigilugit sulinngittuni tusaratsaqaqtitsijut, ikajurluta tusaratsaliriniqtigut tukisiumanirmi ammalu ikajuqtuiluta iliqqusituqarnik saqqijaaqtitsinirmik. Tamaaniinniaqtugut quvianaqtutigut ammalu upigusunnaqtutigullu ammalu atsurunaqtutigut, saqqitsiluta atuutiqatigiinnirmik.